

اداره مخصوصه

درسعادتده یاب عالی جاده سنده

محل اداره :

مشارقه

اخطار :

مسئله کنیزه موافق آثار جدیدیه مع المنوئیه

قبول اولنور

درج ابدله بن آثار اعاده اولنار

دین ، فلسفه ، ادبیات ، حقوق و علوم دین باحث هفته لقا رساله در

مؤسسه لری : ابوالعلا زین العابدین - ح . اشرف ادیب

درسعادتده نسخه سی ۵۰ پاره در

سنه لکی

القی آیله

تاریخ تاسیسی

۱۰ تموز ۳۲۴

۶۰

۸۰

۸۰

درسعادتده

ولایاتده

ممالک اجنبیه ده

قیراه دن مقوا بورو ایله کوندریلیرسه سنوی

۲۰ غروش فضله آلنیر

درسعادتده پوسته ایله کوندریلیرسه ولایات بدلی اخذ اولنور

ایکنجی جلد

۱۲ رجب ۳۲۷ پنجشنبه ۱۶ تموز ۳۲۵

عدد : ۴۷

رضی الله عنهما حضراتی دخی مردم کمال ادب و احترام ایله یاد ایتمکده اولسنه مبنی بوجهرتله متدائر روایاتی دخی دائره اعتماد داخل اولمش روایات موثوقه دن عد ایدهم .

برکت زاده اسماعیل حق

بقیه سی وار

افاده مخصوصه — بواره لقی اداره خانه بشقه یره نقل ایتمش ، صراط مستقیمک طبع اولندیغی مطبعه ده دکشدیرلمش اولدیغندن یادماضی نك کچن نسخه ده ترتیب سهولرتجه ییوک عقبه یه اوغرا دیغنی کمال حجاب و اعتذار ایله عرض ایدرز . سجاوندلر غریب صورتده وضع ایدلمش و برحیل خطیئات ترتیبیه ظهوره کلمش اولوب بونلری تمامیه اراه رساله نك اوقسمنی یکیدن طبعه متو- قف بولندیغندن یالکز شایان اخطار بولنانلری بروجه آتی کوسترلدی :

خطا	صواب
رشد پاشا	رشدی پاشا
تحویل اولندیغی ردوس ..	تحویل اولندیغی کبی ردوس ..
هرنه وجه ایله ایسه استیدان ..	هرنه وجه ایله استیدان ..
امر عالی تحریرات سامیه نك	امر عالی و تحریرات سامیه نك
اختلاط	اختلاطه
متصرف افندی	متصرف بك افندی
نام موقعنده اره صره ..	نام موقعه ، اره صره
قلعه ظابطندن	قلعه ضابطندن
برمعبد شیرین	بومعبد شیرین
حریمه جامی	حریم جامی

حدیث فکریه

اعصار تاریخیه دن هیچ بری یوقدرکه تدین دیدیکمز بوحس طبعندن محروم اولسون . عصریمزده ایسه حس کسب ضعف ایتک شویله طورسون ، بالعکس فکرک ، ادراکک تعالیسیله متناسب اوله رق ده زیاذه قوت پیدا ایله مشدر . هم انسانیت مرقات کلاسه بالندریج یوکسلدجه اوده ایلریلیوب کیده جکدر .

مع مافیه بواضا قول مجردیمزدن عبارت ظایع اولنسون . کوزیمزک اوکنده فیلسوف سیپته نك غایت مهم برطاقم سوزلری طورییور . مشارالیه دمین بحث ایتدیکمز اثرنده دییورکه :

« بن نه ایچون متدینم ؟ ایشته شوسوالی نفسمه ایراد ایچون دودا- قلمیمی اوینادیر اوینا تماز کنیدی شو جوابی ویرمکده مضطر کورو- یورم : بن متدینم . شونک ایچونکه خلافته مقتدر دکلم . اوت ، تدین بنم ذاتک لوازمی جمله سندن برلازم مغویدر . بکا دییورلرکه : سنک بو حالک وراثتک ، یاخود تربیانک ، یاخود مزاجک تأثیرندن منبعدر بنده اونلره دییورمکه : واقما بنده برچوق کرملر کنیدی بویولده اعتراضلرده بولندم . لکن کوردمکه بوقیلدن ملاحظه لر مسئله یی کرلیتیورسه ده حل ایده میور . کندی حیات شخصیه مده مشاهده ایتمکده اولدیغ ضرورت تدینی حیات اجتماعی بشریه ده دهاقوتلی کور- مکده یم . چونکه دینک دامننه صارملق خصوصنده اوده بندن کریده

دکلم . بدایت امرده درت ال ایله صاریلهرق صوکرملری براقدیغ عبادات لزوم سیزرده دینک صفوتی اخلاص ایدیور ؛ [یعنی بونلر دینه قارشی بر نفرت اوینادیرماز] بیوده بره دین تاریخ بشریتک صحیفه لری اوزرنده قان ایزلری ، آتش یرلری براقیور . زیرا دیانت غایت قوتلی رنبات کبی انسانیتک کچریدیکی انقلاباتک کافه سنده محافظه حیات ایتمش و ایده جکدر واقما بونباتک میدانده کی جذوری بیکارجه دفعه کسيلم مشدر ؛ لکن جذر اصالیسی صورت دائمه ده ساقلر فرعلر یاشدیرمکدن اصلا خالی قالیور . « ده صوکره شو سوزلری سویلور :

« او حالده دین مخلصدر ، زوالک احتمالی یوقدر . همده مرور زمان ایله منبعنک قورومسی شویله طورسون ، افکار فلسفیه ایله تجارب مؤله حیات کبی ایکی مؤثر مزدوجک تحت تأثیرنده اوله رق بز او منبعنک کتدجه درینلشدیکنی ، کنیشلشدیکنی کورمکده یز . او یله ایسه دینک خصماسی بک فرحلاماسینلر ، طرفدارلری ده کدرلنمینلر . چونکه اولکیلرینک فرحله ، صوکر اکیلرینک کدری هرا یکی طرفک ده دینک ، اصلنه منبعنه وقوفی اولمادیغندن ایلری کلور . اکر بونلر کنیدیلرینی ایجه تتبع ایتمش اولسه لردی دینک ظواهر خارجیه سی نه قدر تهدید آلتده ایسه کندی حیات داخله لرنده کی حیات حقیقیه سنک اوقدر پایدار ، اوقدر مصون اولدیغنی کورورلردی . [ظواهر خار- جیه دن مقصد بالاخره دینه قاریش- دیریلان خرافاتدن عبارتدر .] حیات انسانیت دیانتله باشلامش اولدیغنی کبی دیانتله کسب قوت ایده جک ، دیانتله نهایت بوله جقدر . »

هذا هو الحق . بلاد مدنیته آرتق طبایع وجدانلرک تعا کسندن ، اعمال ایله عقائد آرمه سنده وفاقک معدومیتدن بیقدی ، اوصاندی . او یله یا آمال و مقاصدینک اک کزینندن ، حواس و ادراکاتک اک علوی غایه سندن محروم اولان طبیعتلر ، قلبلر ملال و وحشت ایچنده قالمازده نه یابار ؟

فرانسه مشاهیر محرریندن برانژه (رووو) ده دییورکه : « آه نه اولوردی عالی قریحه لردن بری دین ایله علمک اوزرنده کی برده تعصبی یرتسه ، حس دینی ایله فکر علمی آرمه سنده کی علاقه آکیده نك حقیقتی ستر ایدن نقابی آچسه ده عصرلردن بری بر چوق نفوسی ایکتمکده اولان شو علتی کوکندن قالدیرسه ! بومظهرتی احراز ایده جک قریحه عالیه صاحبی اخلاف نه بیوک بر تعظیم ایله استقبال ایده جکدر ! »

بوتون شوائب و همیه دن ، فرضیات ظینه دن مبرا بر عقیده صافیه تحریسنه طبیعت بشرک کوسترمکده اولدیغی بوشدتلی میلان اون طقوزنجی عصرک اک بیوک ممیزاتسنددرکه امتلرک مستقبلنه ارتباط کاملی حسیله مسئله ممالک متمنده کی ارکان علمک یکانه مشغله سی اولمشدر . (رووو) ده شوعباره کوریلیر :

« بومسئله عالم متمدنک مشغول اولدیغی مسائلک اک مهمیدر . چونکه ملل متمندنک استقبالی بونک حل اولنمسیله قائمدر . » لکن عجبا عقول حاضره بومسئله عالیه نك حقیقتنه وقوف ایچون

هانکی طریق اختیار ایتدی؟ او هام وظنوندن مبرا اولان افکارک شماعانی هانکی منفذدن اومقصدده طوغرو توجه ایلدی؛ تصور بو غایه علوی یه یوکسلمک ایچون هانکی رکفی شایان استناد بولدی؟ دور حاضرده کی بشر جناب حقک ناسی منظور ایتمش اولدینی فطرت اصلیه یه رجوعدن باشقه کریزگاه کوره مدی. چونکه بالاخره ادخال اولان برچوق ضلالتک ادیانی اصول اولیه سندن چیقاردینی. ایقاع ایدیلن برچوق صدماتک ده ادیانک اساسلرینی صارصه رق اولری مراکز اصلیه سندن اوزاقلاشدیردینی بوکون ثابت اولمشدر. مکرکه مستثنا اوله رق فطرت اولیه ذکر اولنه بیلسین. زیرا بو فطرتک ادوار انسانیتک کافه سنده کمال صفوتی، استقلالانی محافظه ایلدیکی براهین ایله ثابتدر.

هانری برانزیه عین ائرده دیورکه: «انتقاد تاریخی ادیانک غیرقابل تغیر اولان اشکال ثابته سنی ده ییقمش ایسه ده فطرت بشرده مرکوز اولان غریزه دینه یه تعرض ایده مه مشدر. حتی ادوار تاریخیه نک کافه سنده بو غریزه نک دائم وشایع اولدیغنه، اومختلف الهلک ایسه انسانک کنیدیسه رغماً اعتقادالله ایله مفطور بولندیکی کوستردیکنه بالذات شهادت ایتمشدر. بناء علیه هرجهتده، هر زمانده هریرده عبادات روحانیه نک اک علوی سنده نصل ایسه، ادیان وثیه نک اک عادیسنده ده عینله انسانک دعا ایتمه، عبادته بولنمایه قربان کسمه یه احتیاجی کورلمشدر.

بو بر شراره بسیقولو جیه درکه اعصار ماضیه نک کوللری آلتنده صافلی ایکن تاریخ ادیانک دست همتیله میدان چیقمه مشدر. بناء علیه اوتاریخ بو شراره یی قطعاً سوندریمه جک مستقبله تودیع ایده جکدر. ادیان ایسه بو حسک، بو غریزه دینه نک خیالی بر طاقم مظاهرندن باشقه برشی اولمادیکی ایچون بوتون آثار بشر کی ارکچ محاوله جق لکن بو غریزه انسانیت طور دقجه طوره جقدر.»

طبیعت بشر طرفندن دین فطری یه طوغری کوستریان بورجوع زمانزدن پک اوقدر اوزاق برشی دکدر. محرر دیورکه: «آراق دین مسئله سنک حله موفقیت ال ویره جکفی ابدایتمکده یز. خصوصیه یوزسنه دن بریدرکه دیانت باطنیه میدانه کتیریلرک فرانسه کبار فلاسفه سندن بعضیلری طرفندن قبول وتلغین اولندی. ایشته زان ژاق روسو، لامارتین، لینه، میشله، کینه هب بودیانت جدیدنک مرو جلرندن ایدی یاقین زمانلرده ده ارنست رنهان، کیو، شوریه، سپتیه بوکا یکی برقوت، بو یوک بر حکمت ویردیله.»

بشرک واره بیله جکی غایه اعتقاد اولدینی علی الدوام تکرار ایدلمکده اولان بودیانت جدیده نه در بیلور میسکز. کلیکیز بونی طوغرودن طوغرویه اوروپا ارکان فلسفه سندن صورهم. باقیکیز فیلسوف شهر قارو نه سویلیور:

«کائناتی یارادان، نظر عنایتندن دور طوتمیان، عوالم کونییه دن، نوع انسانیدن متمیز و مستقل اولان براله مرید واردر. جسم انسانیده ذکا و حریتله متصف بر روح موجوددرکه بر زمان بو جسم مادیده

برای امتحان محبوس بولنه جقدر. او روحک ایسترسه جسمی تطهیر وتصفیه ایدرک سایه طوغرو یوکسلمک، ایسترسه کنیدیسی مادیات کشفه ایله استیناس ایلیرک جسمی ده بسپایه براقق دست اقتدارنده در. تعقل احتساسک فوقنده در. ایشته دیانت جدیدنک اساسی برطرفدن بولره اعتقاد ایتکدر؛ دیگر طرفندن ده بوتون حریتلرک اصلی، منبئی اولان حریت اخلاقیه یی اعتدالک نفوذی آلتنده بولوندرمق، اخلاق فاضله کنیدی اسم حقیقیسی ویرمک — که امتحان و ابتلادن عبارتدر. — واونک غرض حقیقیسی تحدید ایلیمک — که روحی بالتدریج علائق جسمانیه دن تخلص ایدرک ساعت موته کمال زهادتله آماده بولنقددر. ده صوکره ده قانون ترینک وجودینی اعتراف ایتک، فقط بشرک سعادت ماده مرقاتی اوزرنده کی تعالیسی حسابات فاضله جهته کی ارتقاسندن آیرمامق شرطیله اعتراف ایتکدر. چونکه او سعادت سعادتی حقیقیه حاله کتیره جک انجق بودر.»

فیلسوف شهر ژول سیمون (دیانت طبیعه) سنده شویله سویلیور: «بزم مذهبیمزک اصول وقواعدی غایت واضحدر؛ کیزلی قباقلی رموزی یوقدر. اساسی هر شیئه قادر، هیچ برشی ایله وجود صمدانیسنه زوال و تغیر کلز، عوالمی خلق ایدرک ارکان دوامی بر طاقم قوانین عمومیه ایله تحکیم ایلیمش بر خالق حکیمک وجودینه اینساق؛ برده بو حیات فانیه ده بزه وعد اولنان خیراتی ادا، مظلومه ایسه نقیرو قطمیر تعیین جزا ایده جک بر حیات اخرویه یه معتقد بولونمقدن عبارتدر.»

شمدی بو حالک عقلای بشر طرفندن اک بسیط اولان بر دینه، یعنی انسانک مفطور اولدینی دین فطری یه رجوع اولدیغنده هیچ شبهه ایدیله من اوله ایسه یکرمنجی عصرک سایه عرفانده اعلا صوت ایده لمده

دین فطری انجق اسلامدر

دیهلم.

جناب حق «فأقم وجهک للدين حنیفاً فطرة الله الی فطر الناس علیها لا تبدیل لخلق الله ذلک الدین الیم ولکن اکثر الناس لا یعلمون» بویوریور. بونص علوی صراحة کوسترمکده درکه دین حق عن صمیم الفطره مفطور اولدینی حده طوره رق ایلری کجه سندن عبارتدر. اوله کثرت جدال وعنادک، کذلک برطاقم خیالاته، خرافاته اساس عقائدی بازیمجه شکله قویمق ایچون ویریلان حقک دین خالص عنندنه ذره قدر موقعی، ذره قدر اهمیتی یوقدر. بولر سافقه هوا وهوس ایله میدان آلمش برطاقم او هام وظنوندرکه جناب حق بولرک روی قبول کورمسی ایچون هیچ برره انزال بویورما مشدر. «ان یقبعون الا الظن وماتھوی الانفس ولقد جاء هم من ربهم الهدی» دست غیبک کنیدی سندن صاقلادینی اسراری آکلامه یه، نظر اطلاعه قارش ی برده پوش اولان حقائقک اوزرنده کی ردایی قالدیرمه یه بشرک نه قدر مشتاق، نه قدر مهلاک اولدیغنی بیلن، خصوصیه بو انهماکک او آواره مخلوق ذات الیهنک کنهی ادراک سوداسنه دوشوره جکفی تقدیر ایدن الله ذوالجلال شمدی یه قدر برچوق امتلرک عروہ

